

RESOLUCIÓN

ASUNTO: ADOPCIÓN DE MEDIDAS POR MOR DO ESTADO DE ALARMA DECRETADO POLO GOBERNO DO ESTADO.

EXPEDIENTE: 2020/G003/000142

ANTECEDENTES:

Con data do 12.03.2020 ditouse por esta Alcaldía decreto polo que foron adoptadas medidas ante a situación xerada polo coronavirus COVID-19.

Posteriormente, o día 14.03.2020, o Goberno do Estado declarou o estado de alarma mediante o Real decreto 463/2020, publicado no BOE nº 67, de 14.03.2020.

Ante esta nova situación, faise preciso adoptar novas medidas adicionais ás previstas no decreto do 12.03.2020 que contribúan á contención da enfermidade garantindo ao mesmo tempo o mantemento da prestación dos servizos esenciais.

Por todo o exposto, no exercicio das competencias que a normativa vixente en materia de réxime local lle confire a esta Alcaldía en canto á dirección da política, o goberno e a administración municipal, previstas na Lei 7/1985, de 2 de abril, reguladora das bases do réxime local, e na Lei 5/1997, do 22 de xullo, de administración local de Galicia, **RESOLVO:**

Primeiro. Decretar, desde o 16 de marzo de 2020 e durante o tempo que dure o estado de alarma declarado polo Goberno do Estado, o peche total da atención presencial nas oficinas municipais, agás aqueles servizos que se declaran esenciais no punto segundo deste acordo.

Os servizos administrativos municipais funcionarán con porta pechada de 9 a 14,00 horas.

Segundo. Declarar como servizos públicos municipais esenciais os seguintes:

- 1) Oficina de rexistro do Concello.
- 2) Servizo municipal de novas tecnoloxías.
- 3) Servizos sociais.
- 4) Brigada municipal de obras e servizos.
- 5) Brigada municipal de vías.
- 6) Seguridade e emerxencias.
- 7) Conserxería.
- 8) Servizo de limpeza municipal.

A atención nestes servizos esenciais será unicamente telefónica e telemática. A atención presencial motivada unicamente en razóns de urxencia precisará cita previa.

Os teléfonos e correos electrónicos de contacto aos que poderá dirixirse a cidadanía publicaranse na web municipal (www.concellodebrion.gal)

Terceiro. Lembrar a toda a cidadanía a posibilidade de tramitación telemática da totalidade dos procedementos municipais a través da sede electrónica: sede.concellodebrion.org

Cuarto. Todos os empregados públicos municipais cuxas funcións permitan o seu desenvolvemento a

distancia, prestarán o servizo desde o seu domicilio na modalidade de traballo non presencial. A tales efectos o Concello facilitará fórmulas de teletraballo ou de traballo a distancia. Todos os empregados públicos que realicen funcións que non se poidan desenvolver mediante o traballo non presencial deberán permanecer nos seus domicilios, quedando as súas actividades suspendidas temporalmente, salvo que desempeñen funcións de carácter esencial.

Este persoal deberá acudir presencialmente aos seus lugares de traballo cando o desempeño das súas funcións así o esixan porque así o determinen as xefaturas de cada servizo ou concelleiro/a responsable.

Naqueles casos en que as funcións de carácter esencial deban desempeñarse presencialmente, estableceranse as quendas necesarias para garantir a prestación do servizo e minimizar ao máximo o risco de contaxio laboral, arbitrando medidas organizativas para a protección da súa saúde, como pode ser a reordenación de espazos.

Todos os empregados permanecerán localizables dentro da súa xornada laboral ordinaria.

Deberán reincorporarse aos seus postos de traballo de forma presencial se así se require por necesidades do servizo.

De acordo co establecido no artigo 5 do Real decreto 463/2020, de declaración do estado de alarma, o persoal do corpo de policía municipal queda baixo as ordes directas do Ministro do Interior aos efectos do referido Real decreto. Non obstante, en tanto non reciban ordes nese ámbito, atenderán ás ordes da alcaldía.

Quinto. Suspéndense os termos e interrompense os prazos para a tramitación dos procedementos. O cómputo dos prazos reanudarase no momento no que perda vixencia a declaración do estado de alarma ou, no seu caso, as prórrogas do mesmo.

Sexto. Dar publicidade deste decreto mediante todos os medios internos e externos dispoñibles, procurando a máxima difusión á cidadanía.